



KA021712414005016

სახელმწიფო ქონების
ეროვნული სააგენტოNATIONAL AGENCY
OF STATE PROPERTY

თბილისი 0108, თ.ჭოველიძის ქ.10ა

10a T.Chovelidze Str.,0108 Tbilisi,Georgia

N5/50754

30 / სექტემბერი / 2016 წ.

სს „საქართველოს სახელმწიფო ელექტროსისტემა“-ს

ასლი: ქედის მუნიციპალიტეტის გამგეობას

ასლი: ხელვაჩაურის მუნიციპალიტეტის გამგეობას

ასლი: სსიპ - აჭარის სატყეო სააგენტოს

სსიპ - სახელმწიფო ქონების ეროვნულ სააგენტოში შემოსული თქვენი 09.09.2016წ. N4450/07 წერილის პასუხად, რომლითაც დასმულია საკითხი სახელმწიფო ტყის ფონდიდან ამორიცხულ - ქედის და ხელვაჩაურის მუნიციპალიტეტებში მდებარე 55 (ორმოცდათხუთმეტი) ერთეულ მიწის ნაკვეთზე არსებული მერქნული რესურსის ჭრების განსახორციელებლად თანხმობის გაცემის თაობაზე, „ახალციხე-ბათუმის“ 220 კვ საჰაერო ელექტროგადამცემი ხაზის მშენებლობის პროექტის განხორციელების მიზნით, გაცნობებთ, რომ ქედის მუნიციპალიტეტის გამგეობის 15.09.2016წ. N03/18400, ხელვაჩაურის მუნიციპალიტეტის გამგეობის 27.09.2016წ. N05/5087 და სსიპ - აჭარის სატყეო სააგენტოს 16.09.2016წ. N09/1501 წერილებით წარმოდგენილი პოზიციის გათვალისწინებით, სსიპ - სახელმწიფო ქონების ეროვნული სააგენტო, თავისი კომპეტენციის ფარგლებში, არ არის წინააღმდეგი, ქედის და ხელვაჩაურის მუნიციპალიტეტებში მდებარე 55 (ორმოცდათხუთმეტი) ერთეულ მიწის ნაკვეთზე, თქვენი 09.09.2016წ. N4450/07 წერილით წარმოდგენილი დანართის შესაბამისად განახორციელოთ არაწითელი სახეობის მინიმალური რაოდენობის ხე-მცენარის მოჭრა უსაფრთხოების ნორმების სრული დაცვით.

ამასთან ერთად გაცნობებთ, რომ ზემოაღნიშნულ მიწის ნაკვეთებზე არაწითელი სახეობის ხე-მცენარეების მოჭრის შედეგად სახელმწიფოს არ უნდა წარმოეშვას რაიმე სახის ვალდებულება.

ასევე გაცნობებთ, რომ „სახელმწიფო ქონების შესახებ“ საქართველოს კანონის 29¹ მუხლისა და „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების მე-12 მუხლის მე-5¹ პუნქტის მიხედვით, აჭარის ავტონომიური რესპუბლიკის ტერიტორიის ფარგლებში სახელმწიფო საკუთრებაში არსებული სახელმწიფო ტყის ფონდიდან ამორიცხულ ტერიტორიაზე (მათ შორის, სახელმწიფო ტყის ფონდის საზღვრის კორექტირების შედეგად სახელმწიფო ტყის ფონდის საზღვრების გარეთ დარჩენილ ტერიტორიაზე) განხორციელებული ჭრებისა და სპეციალური ჭრების შედეგად მოპოვებული მერქნული რესურსი დაუკოტრაჟი სახით, სახეობების მიხედვით საწყობდება სსიპ - აჭარის სატყეო სააგენტოს მიერ მითითებულ ტერიტორიაზე.

წერილთან ერთად გიგზავნით ზემოხსენებულ კორესპონდენციას.

აქვე გაცნობებთ, რომ საქართველოს „წითელი ნუსხით“ დაცული ხე-მცენარეების ჭრის ნებართვის თაობაზე უნდა მიმართოთ საქართველოს გარემოსა და ბუნებრივი რესურსების დაცვის სამინისტროს.

დანართი: 4 ფურცელი

სსიპ-სახელმწიფო ქონების ეროვნული
სააგენტოს თავმჯდომარე



ეკატერინე სისაური